



## كسر المشاعر

أيوه اشتكيتك للسما ورفعت دعوى ف محكمه  
وطلبت آخذ حقي منك وكتبت ده فى المظلمه  
حبسوه سرق مش قادر وبيكسر الأبواب  
أما كسر المشاعر مالهبوش ما بيننا حساب  
قلب وبقلوب يتاجر يقتل ومالوش عتاب

جيتلك يا قاضى وقلبي راضى بحكم تنطق بيه  
ما يقولش ماضى مايقولش عادى ما يقولش مذنب ليه  
لسه فاكراه كل كلمه وحرف بيننا  
كل ضحكاه وكل دمعه من عيوننا





هانت عليه عشرتى هانت عليه وحدتى

هو مكمل حياته وانا انتهت دنيتى

كنت بشوف الخيانه وبكذب فيه عينيا

علشان احفظ هوانا وايديه تبقى ف ايديا

ضيع حياه بايديه احكم يا قاضى عليه

احكم يرجع عمرى ما هو ضاع فى كذب عينيه

بطلب قانون يعوض العمر اللى راح

ولا ميت قانون يداوى فى القلب الجراح





## ويوان شريط فكريات



احكم يا قاضى احكم بقا

.... احكم عليه بسنين شقا

احكم بكل ليله فى حبه سهرتها

احلام كانت جميله وياما حلمتها

احكم بكل كدبه معاه صدقتها

كانت سبب فى اللى انكتب .....

وعمرى وياها انتهى

احكم بقا.. احكم بقا...!!

